



NOBILISSIMO, CLARISSIMOQVE VIRO DOMINO D.
CAROLO BOUVARD
 IN PRINCIPE GALLIARVM SENATV
 CONSILIARIO, DIVI FLORENTII PROPE SALMVRIVM ABBATI
 SANCTÆ CAPELLÆ ARCIS VICENNARVM THESAURARIO, &c.

COGITABAM (Senator integerrime) nihil mihi contingere poss; aut optabilius ad ornamentum, aut meae sorti accommodatius, quàm si tuo nomine meas theses insigniens, publicâ sempiterni obsequii restitutione, gentiliū decus tuum in tua persona colerem, atque venerer: hoc meum consiliū mihi penitus cognita facilitas tua adiuvit, probavitque quā me complexus es, benevolentia; quibus ad id præstandum incitamentis accessit tuarum virium consuleratio, atque circumspectio, quas prorsus esse maximas, & paternarum verè imitatrices, hinc perspicue patet, quod eas nuper Augustissimus Senatus, Christianissimū Regis vocē sibi commendatas, honorificis laudibus, & singulari animorum consensione, dum te in suū Ordinem cooptaret, fuerit prosequutus; illis cum omnium animos ad tui venerationem converteret, qui non aequum duxerit, me aliquā sanguinis affinitate tibi coniunctum, ad eas reuerendum, & sponte, & naturā propendere? nec satis; quid quæso, cultus, & observantia me illi non debere arbitraret, qui ut amplissimis Ecclesiæ dignitatibus, ita Themidis purpurā magnificè splendet, cuius summa, & liberatè erudita ingenii sagacitas, nunc summa iudiciorum auctoritati, & integritati opportunè consociatur, cuius denique parens, vir incredibili, ac pene diuinā sapientiā præcellens, Medica dignitatis assiduus vindex, gloriā clarus, auctoritate gravis, pretiosa Regis sanitati prudenter, fortunatèque consulens, iurificè satisfacit omnium votis, & expectationi. Hanc propter rationum concursione tibi addictissimus, meum erga te studium palam significare volui, quod si tibi non iniucundum fuerit, ex te profectū gratiā plurimum mihi videbor obtinuisse; eam autem mihi quidem non promerenti si conferas, ingrato saltem non censes, sed illi qui de tuis, & domus tuæ laudibus nunquam conticecet.

R. Debonnaire.

QVÆSTIO MEDICA.

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XI. MARTII,

M. QVIRINO LE VIGNON Doctore Medico moderatore.

An Matris lac nonnihil vitiosum, quolibet altero, infanti salubrius?

855



LAC verè ros vitalis est, & alimentorum optimum: habet enim quasdam partes quibus molestiæ corporis tum interiores, tum externæ facillè mitigentur, alias verò quibus vim, & facultatem noxiorum expultricem, plerumque diutius ætiosam, & debilem excitet, adiuuètque in agendo; cum etiam insuper plurimà constet substantiâ cuius procliuis, & expedita sit in animantis membra commutatio: quæ commoda, vtilitatēque in sanorum, aut ægrorum vescendi ratione si desiderentur, illa sanè multò magis ex lactis muliebris, quàm cuiuslibet alterius vsu sunt expectanda: verùm quandoquidem humanitatis leges postulant vti minùs validum remedium, quod ægotantibus gratum sit, & acceptum, potiùs quàm nullum exhibeatur; contabescendum aliqui cum grauitè ferunt, & tandem respuunt, sibi vt pueris nutrimentum decerni, iisdem, sine dubio summopere salutarem medicinam aspernantibus, asinum lac erit præscribendum, conquisitis asinæ conuenientibus, & commodatissque morbo pascuis, vt ex eius vberibus, lac tale quale in Tabiis, quàm maximè fieri poterit, exprimatur.



CETERVM viuifici istius nectaris bonitas, adeo delicata est, & fugax, vti ætius præsertim calidioris contagione non minimùm vitietur, & breui euanescat, omnisque impuritatē impatiens, non paucos iam malè affectos graui offensione in præcordiis concitatâ lædat vehementiùs: enimuero quemadmodum grandi macie torridis, & consumptis, non quidem suctum, sed affatim eorum, sacra est anchora, & tutissimum perfrugium: ita capite dolentibus, febre correptis, & quibus flatibus suspensâ, vel putrescenti colluue turgida sunt hypochondria, maximi detrimenti parens est; frequentior eius vsus, nisi os vino, & melle colluas, dentes corrodit, sauciâtque gingiuas fœdis vlceribus; quin imò licèt videatur mirificum soleris Naturæ, alimento medicamentum ingeniosè commiscens opus, quo pueri infantes nutrantur, accrescant, & prosperè à superuacaneorum sarcina repurgentur; in illis tamen alieno vitio inquinatum, idoneam subministrat calculus, aphthis, & vermibus producendis materiam.



HÆC autem mala, longè certius infans ille declinabit quem matris alent mammæ, dummodò lac promant substantiâ paulò humidius, gustu suaue, odore iucundum, colore albescens, non spumofum, & tantum quantum iusta necessitas flagitabit: dicam tamen ampliùs; eisdem futurû est quolibet alio conducibilis, tametsi aliquantùm à probilactis commodatione abalienetur: lac quippe menstruo quod inierit partibus in vtero effingendis, atque nutriendis germanû est; nam quando calcitrat fœtus, ob motuum insultus, & validam venarum succos continentium compressionem, tunc inde imperu propulsus sanguis, per viarum laxitatē, & communionem, ad mammas refluit, in quibus rubore deposito, benignâ lactis speciei glandulis impressâ adornatur (nonnunquâ tamen in quibusdâ feminis sine præuia conceptione, lac vile seaturire, inauditum non est) deinde potenti lactentis suctione, vasorum ampliatione, & ob consuetudinis vim, in ægrotantibus quidem, promptè omnis cibus lactescere videtur, in pueris vero, parcius tardiùsque; sed maiorem eius copiam si cupias, abundè remediis diues est Medicina, quibus valeat hanc rei admodum necessariæ paupertatem subleuare.



NON planè ad id solum mammis mulieres instructæ sunt, vt earum raritas, & spongiæ affinis mollitudo, superioris regionis absumeret reiectanca, nec solum conditæ sunt ad cordis præsidium, cui grates agant propter accepta ab eo beneficia, calorem, vt vestimenta præstant corpori, continenter retribuendo: verum etiam vt longo durationum tractu, & perenni thoracis agitatione, lac educando fœtui opportunum, in illis conficeretur, atque contineretur: ad eas enim Natura, quouis sagacior colono, postquam vterus sanguine satis irrigatus, auidius expetitur semen concepit, quicquid superest, & redundat gratiosi humoris, deriuat, ibique paratos habet quasi subterraneos fontes quosdam, qui affluentem laticem recipiant, seruētque non otiosè, sed cum spiritus leni calore, muliebrique mollitie concoquant, ac mutent, quo vniuo, tanquam consueto familiarisque alimento, infans in lucem editus, donec primores dentes emiserit, saluberrimè possit satiari.



QVARE simul atque natus est infantulus, primùm aquâ tepidâ eluatur, vt enim valde periculosum, tenellum eius corpus vino lauare, sic prorsus inhumanum foret, experiundi eius roboris gratia, ad exemplum & regulam præcorum Germanorum, id frigidè immergere; deinde maternis papillis blandè admoveatur, hinc primis quidem diebus, lachairiet minùs nutrimentum, quo intestinorum sordes per vniuersum grauiditatis tempus collectæ, commodè euerrentur; aliis verò consequentibus, succum longinquâ affinitate sibi coniunctum proliciet: alioquin si puerpera prauissimis humoribus scaterere solita, sit valitudine, & naturâ infirmior, aut ad nouam prolem festinet, magno certè recentis partus dispendio, nutrix seligatur adolecens, quæ Bacchi, & Veneris intermittat studia, noueritque motu, papillâ, & cantu, torminosos alumni sui dolores demulcere: diligenter autem obseruandum est, proferatne lac infantis corpori salutare, cum quo facillè amicitiam, & societatem ineat, coætque, sed profectò cum puer etiam in vteri latebris, materni lactis aliquid, priuatâ suauitate proleçet, nullumque nutrimentum adeo eius partibus simile, aliunde possit suppetari, à sua parente aleretur longè fortunatiùs.

Ergo Matris lac nonnihil vitiosum, quolibet altero, infanti salubrius.



Proponebat Lutetiæ ROBERTVS DEBONNAIRE Ambianus. A.R.S.H.M.DCXXXVIII